



**QASHQADARYO VILOYATI
KITOB TUMANI HOKIMINING
Q A R O R I**

180700 Kitob tumani Katta yo'l ko'chasi 32-uy tel: 75-54-25-307

2021 йил «23» июнь

357-4-62-Q/21

Китоб туман ҳокимияти

**Давлат ўрмон фонди ва қўриқхона ерларида ёнғин хавфини олдини
олиш чора-тадбирлари тўғрисида.**

2021 йилда Давлат ўрмон фонди ва Қўриқхона ерларида ёнғин келиб чиқишининг ҳамда табиатга ва ўсимлик дунёсига зарар етказилишининг олдини олиш мақсадида, Китоб давлат ўрмон хўжалигининг 2021 йил 24 мартдаги 183-сонли хатини инобатга олиб, Ўзбекистон Республикасининг “Ўрмон тўғрисида”ги Қонуни (Ўзбекистон Республикаси Олий Мажлисининг Ахборотномаси, 1999 йил 5-сон, 122-модда), “Муҳофаза этиладиган табиий ҳудудлар тўғрисида”ги Қонуни ва Ўзбекистон Республикаси Вазирлар Маҳкамасининг 1999 йил 22 ноябрдаги “Республика ўрмонларини ҳимоя қилиш бўйича айрим меъёрий ҳужжатларни тасдиқлаш тўғрисида”ги 506-сонли қарори (Ўзбекистон Республикаси Ҳукуматининг қарорлар тўплами, 1999 йил 11-сон, 68-модда)га ҳамда “Маҳаллий давлат ҳокимияти тўғрисида”ги Қонуни (Ўзбекистон Республикаси Олий Кенгашининг Ахборотномаси, 1993й, 9-сон, 320-модда)нинг 6-моддасига асосан

ҚАРОР ҚИЛАМАН:

1. 2021 йил ёз, куз фаслларида Китоб ҳамда Жовуз давлат ўрмон фонди ер майдонлари ва “Китоб геология миллий табиат боғи” ДМ ерларида, қўшни фермер хўжаликлари, фуқаролар йиғинлари ҳудудида жойлашган ўрмонларда тамаки маҳсулотлари чекиш, ов қилиш ҳамда гулхан ёқиш қатъиян ман қилинсин.

2. Китоб ва Жовуз давлат ўрмон хўжалиги ҳамда “Китоб геология миллий табиат боғи” ДМ бўлимларида ёнғинга қарши кураш тадбирлари 1-иловага, фавқулодда ҳолатларда ёнғинни ўчириш режаси 2-иловага мувофиқ тасдиқлансин.

3. Китоб давлат ўрмон хўжалиги (Ш.Адилов), Деновболо, Қавзахона, Матмон, Сиёб, Мингчинор, Ҳазрати Башир, Дуоба, Макрид ўрмон бўлимлари (М.Мухторов, А.Ҳолиқов, С.Сабуров, М.Раҳматов, Э.Мусаев, Ш.Давронов, Б.Хатамов, И.Сафаров), Жовуз давлат ўрмон хўжалиги (У.Аллаев), Матмон, Жовуз ўрмон бўлимлари, (А.Турдиев, Т.Очилов), “Китоб геология миллий табиат боғи” ДМ (Т.Тураев), Кухсор МФЙ, Қайнар МФЙ, Башир МФЙ, Макрид МФЙ, Обиканда МФЙ раислари ёнғин хавфини олдини олиш бўйича барча тадбирларни ўтказишга шахсан масъулиги белгилаб қўйилсин.

4.Китоб давлат ўрмон хўжалиги (Ш.Адилов), Жовуз давлат ўрмон хўжалиги (У.Аллаев) ва “Китоб геология миллий табиат боғи” ДМ (Т.Тураев), туман ФВБ (А.Муродов), туман тиббиёт бирлашмаси (Ш.Гаппаров), “Ўзтелеком” АК Китоб туман филиали (Х.Диёров),Деновболо, Қавзахона, Матмон, Сиёб, Мингчинор, Ҳазрати Башир, Дуоба, Макрид ўрмон бўлимлари (М.Мухторов, А.Ҳолиқов, С.Сабуров, М.Раҳматов, Э.Мусаев, Ш.Давронов, Б.Хатамов, И.Сафаров), Жовуз давлат ўрмон хўжалиги (У.Аллаев), Матмон, Жовуз ўрмон бўлимлари,(А.Турдиев, Т.Очилов), “Китоб геология миллий табиат боғи” ДМ (Т.Тураев), Кухсор МФЙ, Қайнар МФЙ, Башир МФЙ, Обиканда МФЙ, Макрид МФЙ раислари биргаликда Давлат ўрмон фонди ва “Китоб геология миллий табиат боғи” ДМ ерларида ёнғин содир бўлганда тезда кечиктирмасдан ёнғинни ўчириш учун етарли одамларни жалб қилиш ва уларни асбоб-ускуналар ва озиқ-

овқатлар билан таъминлаш ҳамда тез тиббий ёрдам кўрсатиш чораларини кўриш вазифалари топширилсин.

5. Китоб давлат ўрмон хўжалиги (Ш.Адилов), Жовуз давлат ўрмон хўжалиги (У.Аллаев) ва “Китоб геология миллий табиат боғи” ДМ (Т.Тураев), туман табиатни муҳофаза қилиш инспекцияси (Д.Мавлонов), тумандаги Кухсор МФЙ, Қайнар МФЙ, Башир МФЙ, Макрид МФЙ, Обиканда МФЙ раислари ўрмон хўжалиги ер фонди ва кўрикхона ерларига яқин жойда яшаётган аҳолига ўрмон хўжалиги ер фонди ва “Китоб геология миллий табиат боғи” ДМ ерларида ёнғинни олдини олиш бўйича тушунтириш ишларини олиб бориш ҳамда “Ўрмон тўғрисида”ги, “Муҳофаза этиладиган табиий ҳудудлар тўғрисида”ги қонунларни бузган шахсларга нисбатан ҳужжатларни расмийлаштириб, тегишли органларга тақдим этиш вазифалари топширилсин.

6. Мазкур қарор ОАВда эълон қилинсин.

7. Ушбу қарор қабул қилиниши муносабати билан туман ҳокимининг
2020йил 23май кунидаги Х-536/05-сонли қарори ўз кучини йўқотган деб ҳисоблансин.

8. Қарор расман эълон қилинган кундан эътиборан кучга киради.

9. Ушбу қарор ижросини назорат қилиш туман ҳокимининг ўринбосари А.Пўлатов зиммасига юклатилсин.

Китоб тумани ҳокими



Zakirov A. I.

Китоб туман ҳокимининг
2021 йил 23 июндаги
357-4-62-Q/21-сон қарорига
1-илова

**Китоб ва Жовуз давлат ўрмон хўжаликлари Давлат ўрмон фонди
ерларида ёнғинга қарши курашиш чора-тадбирлари**

№	Амалга ошириладиган ишлар	Бажариш муддати	Бажаришга масъул
1	1. Ўрмонларда ва ўрмон билан қопланган Давлат ўрмон фонди ерларида ёнғин хавфсизлигини таъминлаш учун шахсан жавобгарликни хис этиш, ёнғин бўлиши эҳтимоли кучли даврда белгиланган ёнғин хавфсизлиги ишларини бажариш, Давлат ўрмон фонди ерларида чиққан ёнғинни тезкорлик билан учуриш ва бу тўғрисида Китоб ҳамда Жовуз давлат ўрмон хўжаликларига хабар қилиш	Мавсум давомида	Барча ўрмончилик бўлими ўрмонбегилари ва ишлаб чиқариш участка бошлиқлари
2.	Ўт-улан билан қопланган ерларда, қамишзор ва ўрмонзорлар яқинида, шамолли об-ҳавода гулхан ёқишни таъқиқлаш, ёниб турган нарсаларни ташлаш учун махсус жойлар ташкил қилиш	Мавсум давомида	Бош ўрмонбеги, ўрмон инспектори, барча ўрмончилик бўлими ўрмонбегилари ва ишлаб чиқариш участка бошлиқлари
3	Давлат ўрмон фонди ерларида ёнғин чиқиши хавфи бор ҳудудларда сув идишлари сув тўлдирилган ҳолда (кичик ва катта ҳажмли сув идишлари) жойлаштириш	Мавсум давомида	Барча ўрмончилик бўлими ўрмонбегилари ва ишлаб чиқариш участка бошлиқлари
4	Давлат ўрмон фонди ерларида ёнғин чиққан ҳолда ёнғин чиққан жойда кўнгилли ёнғин ўчириш бўлинмаларини, белгиланган ёнғин учуриш ишчи кучларини ўз вақтида етказиш, техникалар билан таъминлашни тўғри ва аниқ ташкил қилиш	Мавсум давомида	Бош ўрмонбеги, мухандис-механик

5	Чорва моллари боқиладиган, ов қилинадиган, беда ўриладиган ўрмонларда, болалар оромгоҳларида, дам олиш зоналарида, ёнғин учиратиш қуролларини бўлишини назорат қилиш, Давлат ўрмон фонди ерларига яқин ерларда ва унга олиб борувчи йўللар ёқасига оловдан эҳтиётлик билан фойдаланишга чақирувчи ёнғин чиқиш хавфидан огоҳлантирувчи белгиларни қўйиш	Мавсум давомида	Хўжалик мудир, бўлим ўрмонбегилари ва ўрмончилари
6	Ёнғин хавфсизлиги қоидаларини бузувчиларни тезкорлик билан аниқлаш, уларни устидан зудлик билан тегишли хужжатларни тузиб, келтирилган зарарни ундириб олиш чораларини қўриш, ёнғинга қарши кураш мақсадида тезкорлик билан ҳаракат қилувчи гуруҳ тузиш, уни ҳаракат йўналишини белгилаш ва шу мавзуда семинар ташкил қилиш	Мавсум давомида	Бош ўрмонбеги, ўрмон инспектори, барча ўрмончилик бўлими ўрмонбегилари ва ишлаб чиқариш участка бошлиқлари, бўлим ўрмончилари

Китоб туман ҳокимининг
2021 йил 23 июндаги
357-4-62-Q/21-сон қарорига
2-илова

2021 йилда Китоб давлат ўрмон хўжалигининг Деновболо, Қавзахона, Матмон, Сиёб, Мингчинор, Ҳазрати Башир, Дуоба, Макрид ўрмон бўлимлари, Жовуз давлат ўрмон хўжалигининг Матмон, Жовуз ўрмон бўлимлари, “Китоб геология миллий табиат боғи” ДМда фавқулодда ҳолатларда ёнғинни ўчириш

РЕЖАСИ

Т/р	Китоб тумани	Жойлашган аҳоли		Ёнғинга қарши ўчириш асбоблари			Ўрмон бўлимларининг номи	Техника-лар сони	Шундан сув ташиш машинаси
		Жами	Шундан ёнғин ўчиришга қатнашади	Болта	Арра	Белкурак			
1	2	3	4	5	6	7	8	9	10
1	Обиканда МФЙ	8543	600	150	150	300	Сиёб	1	1
2	Кухсор МФЙ	4170	400	100	110	190	Деновболо Қавзахона Матмон Жовуз	7	1
3	Қайнар МФЙ	5168	450	150	120	180	Мингчинор	2	1
4	Башир МФЙ	5443	475	160	125	190	Ҳазрати Башир	2	1
5	Макрид МФЙ	12774	1200	300	400	500	Макрид	1	1

Керакли нарсалар юбориладиган жойлар	Тиббий ёрдам кўрсатилишини ташкил этишда жавобгар шахс	Ёнғин бўладиган жойларда алоқани тиклаш бўйича жавобгар шахс	Ўрмон бўлими бошлиқларининг И.Ф.О	Ёнғинни ўчириш бўйича жавобгар шахс	Техника ва ёнғин ўчириш асбоб- ускуналарини олиш жойи
11	12	13	14	15	16
Фуқаролар йиғинлари, Фермер хўжаликлари	Туман Тиббиёт бирлашмаси (Ш.Гаппаров)	“Ўзтелеком” АК Китоб туман филиал (Х.Диёров)	М.Мухторов А.Холиқов С.Сабуrow М.Рахматов Э.Мусаев Ш.Давронов И.Сафаров А.Турдиев Х.Ражабов	Ўрмон инспектори Ф.Хайдаров, Ўрмон инспектори М.Турдиев	Ўрмон хўжалиги, Маҳалла ва қишлоқ фуқаролар йиғинлари, ҳамда фермер хўжаликлари омборлари

Китоб туман ҳокимининг
2021 йил 23 июндаги
357-4-62-Q/21-сон қарорига
3-илова

МАЪЛУМОТНОМА

2021 йил 28 май

Китоб туман

Туман ҳокимининг “Давлат ўрмон фонди ва кўрикхона ерларида ёнгин хавфини олдини олиш чора-тадбирлари тўғрисида”ги қарор лойиҳаси Ўзбекистон Республикасининг “Ўрмон тўғрисида”ги ва “Муҳофаза этиладиган табиий ҳудудлар тўғрисида”ги Қонуни, Ўзбекистон Республикаси Вазирлар Маҳкамасининг 1999 йил 22 ноябрдаги “Республика ўрмонларини химоя қилиш бўйича айрим меъёрий ҳужжатларни тасдиқлаш тўғрисида”ги 506-сон қарори ижросини таъминлаш мақсадида ишлаб чиқилган.

Хусусан, Ўзбекистон Республикасининг “Ўрмон тўғрисида”ги Қонунининг 23-моддасида Давлат ўрмон ҳўжалиги органлари, экология ва атроф-мухитни муҳофаза қилиш органлари ҳамда маҳаллий давлат ҳокимияти органлари ўрмонда ёнгининг олдини олиш, ёнгинга қарши курашишга оид чора-тадбирларнинг амалга оширилишини таъминлаши, зарур ҳолларда ёнгини ўчириш учун аҳолини, корхоналар, муассасалар ва ташкилотларнинг ўт ўчириш, ер казиш техникасини ҳамда транспорт воситаларини жалб этиши, ёнгин хавфи юқори бўлган даврда аҳолининг ўрмонда бўлишини ҳамда ўрмонларга транспорт воситалари ва бошқа воситалар киришини чеклаши ёки тақиқлаши мумкинлиги белгиланган.

Шунингдек, Ўзбекистон Республикасининг “Муҳофаза этиладиган табиий ҳудудлар тўғрисида”ги Қонунининг 9-моддасида муҳофаза этиладиган табиий ҳудудларни муҳофаза қилиш ва улардан фойдаланиш соҳасидаги давлат назорати Ўзбекистон Республикаси Экология ва атроф-мухитни муҳофаза қилиш давлат қўмитаси ҳамда маҳаллий давлат ҳокимияти органлари томонидан амалга оширилиши кўрсатиб ўтилган.

Бундан ташқари, Ўзбекистон Республикаси Вазирлар Маҳкамасининг 1999 йил 22 ноябрдаги “Республика ўрмонларини химоя қилиш бўйича айрим меъёрий ҳужжатларни тасдиқлаш тўғрисида”ги 506-сон қарорининг 2-бандида Ўзбекистон Республикаси ўрмонларида ёнгин хавфсизлиги қоидаларининг бажарилиши устидан давлат назорати Ўзбекистон Республикаси Экология ва атроф мухитни муҳофаза қилиш давлат қўмитаси, маҳаллий давлат ҳокимияти органлари, Давлат ёнгин назорати органлари томонидан амалга оширилиши белгиланган.

Туман ҳокимининг “Давлат ўрмон фонди ва кўрикхона ерларида ёнгин хавфини олдини олиш чора-тадбирлари тўғрисида”ги қарор лойиҳаси Ўзбекистон Республикасининг Конституцияси ва қонунларига, унга нисбатан юқори юридик қучга эга бўлган бошқа норматив-ҳуқуқий ҳужжатларга, мамлакатда олиб борилаётган ислохотларнинг мақсад ва вазифаларига, қонунчилик техникаси қоидаларига мувофиқ тарзда тайёрланган бўлиб, мазкур қарор лойиҳасидаги ҳавола қилувчи нормалар асосли равишда қўлланилган.

Китоб туман ҳокимининг “Давлат ўрмон фонди ва кўрикхона ерларида ёнгин хавфини олдини олиш чора-тадбирлари тўғрисида”ги қарори лойиҳаси 2021 йил 12 май куни Ўзбекистон Республикаси Ягона интерактив давлат хизматлари порталига жамоатчилик муҳокамаси ўтказилиши учун жойлаштирилиб (ID № 45113). 2021 йил 27 май куни лойиҳанинг жамоатчилик муҳокамаси муддати якунланганлиги сабабли ҳуқуқий экспертизадан ўтказиш учун юборилмоқда.

Туман ҳокимлиги
бош юрисконсульти:



Р.Ахмедов